

Møteprotokoll for Administrasjonsutvalet

Møtedato: 07.06.2018
Møtestad: Kantina, rådhuset
Møtetid: 09:00 - 09:40

Frammøtte medlemmer	Parti	Rolle
Astrid Aarhus Byrknes	KRF	Utvallsleiar
Jarle Vassdal	SP	Medlem
Nina Stabell Øvreås	FRP	Medlem
Liv Berit Haukås	FAG	Medlem
Bente Zakariassen	DE	Medlem
Jarle Næss	UTD	Medlem

Forfall meldt frå medlem:	Parti	Rolle
Dag Hugaas	AP	Nestleiar

Frammøtte varamedlemmer:	Parti	Erstatter medlem
Nina Bognøy	AP	Dag Hugaas

Følgjande frå administrasjonen møtte:

Hogne Haugsdal-ass.rådmann, Janne Sund-økonomisjef, Tove Mette Arnø Fyllingen-sekretær

Sakliste

Saknr	Tittel
001/18	Godkjenning av innkalling og sakliste
002/18	Godkjenning av møteprotokoll
003/18	Økonomiplan 2019-2022
004/18	Melding/orientering til administrasjonsutvalet 07.06.2018

001/18: Godkjenning av innkalling og saksliste

Rådmannen sitt framlegg til vedtak:

Innkalling og saksliste vert godkjent

07.06.2018 Administrasjonsutvalet

Ingen merknader, samrøystes.

ADM - 001/18 VEDTAK:

Innkalling og saksliste er godkjent.

002/18: Godkjenning av møteprotokoll

Rådmannen sitt framlegg til vedtak:

Møteprotokollen vert godkjent

07.06.2018 Administrasjonsutvalet

Ingen merknader, samrøystes.

ADM - 002/18 VEDTAK:

Møteprotokollen er godkjent

003/18: Økonomiplan 2019-2022

Rådmannen sitt framlegg til vedtak

Investeringsbudsjettet for 2019 blir vedteke i samsvar med oppsettet i eigen tabell. Rådmannen skal justere investeringsbudsjettet for 2019 i samsvar med forventa framdrift på prosjekta som pågår i 2018 når budsjettvedtaket for 2019 fattast av kommunestyret i desember 2018.

Økonomiplan for 2019-2022 og rammer for 2019 vert vedteke, jfr eigen tabell. Det endelege budsjettvedtaket for 2019 med korrekt ramme for ordinært rammetilskot og rammer for tenestoområda inkludert lønns – og prisstigning vert vedteken av kommunestyret i desember 2018.

07.06.2018 Administrasjonsutvalet

Økonomisjef Janne Sund orienterte.

Framlegg:

Økonomiplan 2019- 2022 vert teke til orientering.

Framlegget vart samrøystes vedteke.

Uttale til økonomiplanen frå Utdanningsforbundet Lindås

Rådmannen kjem med forslag til store kutt innan skule. Kommunalsjef Kristin Moe meiner at kutta er akseptable. Om ein har oversikta over alle relevante tal og faktorar, er det for Utdanningsforbundet Lindås ikkje mogleg å vere einig med kommunalsjefen.

Her er dei viktigaste tala:

Frå skuleåret 2015/16 til og med skuleåret 2018/19:

- Lærarårsverka er kutta frå 214 til 197, ei nedgang på nesten 9%.
- Elevtalet har auka frå 1920 til 1970 elevar, ei auke på 2,5%.
- Sekretærstillingane i skulen vert kutta med 17% frå skuleåret 2017/18 til 2018/19.

Frå skuleåret 2015/16 til og med skuleåret 2020/21 med dei kutta som no er føreslått:

- Lærarårsverka er kutta frå 214 til 187, ei samla nedgang på over 14%. I tillegg forsvinn dei spesialpedagogane som er på Læringscenteret når det skal leggjast ned.
- Sekretærstillingane er redusert med 31%.
- PPT er kutta med èitt årsverk, som utgjer eit kutt på over 10%.
- Elevtalsprognosen med ei auke på 2-3% kvart år dei neste åra seier oss at elevtalet på desse fem åra aukar frå 1920 til 2050, ei auke på over 9%.

Lindås kommune har ein god Kvalitetsplan for oppvekst, som seier mykje om korleis kvaliteten skal vere i Lindåsskulane. Dei kutta som allereie er gjennomførte, og dei som no er foreslått, vil i praksis gjera det umogleg å nå måla i planen.

Det vi allereie opplever, er at mobbetala blant elevane går opp. Skulane opplever større og større utfordringar med krevjande elevåtferd. Sjukefråveret til dei tilsette i skulane, som tradisjonelt har vore lågt, er aukande. Færre og færre tilsette skal undervise, støtte, hjelpe og ha omsorg for fleire og fleire elevar. Spesialpedagogisk spisskompetanse forsvinn, noko som aukar utfordringane ytterlegare på den einskilde skule. Krevjande elevåtferd har gjort at kommunen dei siste åra har tilsett miljøterapeutar i skulane. Miljøterapeutane gjer ein fantastisk jobb både med dei mest krevjande og dei mest sårbare elevane. No skal det kuttast i dette tilbodet òg.

Det har i årevis vore sagt at skulane i Lindås kommune i økonomi og bemanning ligg over nivået for samanliknbare kommunar (same kommunegruppe). Desentralisert skulestruktur og naudsynt deling i nynorsk- og bokmålsklassar er to av årsakene til at dette tidlegare har vore tilfellet. Då vi gjekk inn i GSI-tala for skuleåret 2016/17, og samanlikna kvar einskild skule i Lindås kommune med tilsvarande skular (elevtal, skuletype) i andre kommunar, fann vi at Lindåsskulane låg under gjennomsnittleg ressursbruk. Ressursnivået var allereie då lågare enn til dømes i Meland og Radøy.

Lindås kommune som skuleeigar har stort fokus på læringsmiljø og læringsresultat. Utdanningsforbundet Lindås meiner at dei kutta som no er foreslått, uunngåeleg vil gå ut over miljøet og resultat, og vi vil oppleve nok ei auke i oppmeldingane til PPT når det ikkje er bemanning nok til å gje elevar som treng tilpassa undervisning det dei treng innanfor ordinær undervisning. Elevar og tilsette skal meir enn berre å overleva skuledagane, - dei skal læra og trivast òg.

Knarvik 7.juni 2018

Jarle Næss, HTV Utdanningsforbundet Lindås

ADM - 003/18 UTTALE:

Økonomiplan 2019- 2022 er teke til orientering.

004/18: Melding/orientering til administrasjonsutvalet 07.06.2018

Rådmannen sitt framlegg til vedtak

07.06.2018 Administrasjonsutvalet

Det var ingen meldingar til administrasjonsutvalet.

ADM - 004/18 VEDTAK:

Det var ingen meldingar til administrasjonsutvalet.
